



REPUBLIKA E SHQIPËRISË  
Këshilli i Ministrave

V E N D I M

Nr. 278 , datë 8.5.2003

P Ë R

MIRATIMIN E RREGULLORES SË FUNKSIONIOMIT TË  
KOMITETIT KOMBËTAR TË DIGAVE TË MËDHA (KKDM) DHE  
TË KËSHILLIT TEKNIK TË PËRHERSHËM TË DIGAVE (KTPD)

Në mbështetje të nenit 100 të Kushtetutës dhe të neneve 4 e 13, të ligjit nr.8681, datë 2.11.2000, "Për projektimin, ndërtimin, shfrytëzimin dhe mirëmbajtjen e digave e dambave", me propozimin e ministrit të Rregullimit të Territorit dhe të Turizmit, Këshilli i Ministrave

V E N D O S I:

1. Miratimin e rregullores së funksionimit të Komitetit Kombëtar të Digave të Mëdha (KKDM) dhe të Këshillit Teknik të Përhershëm të Digave (KTPD), që i bashkëlidhet këtij vendimi.
2. Ngarkohen Ministria e Rregullimit të Territorit dhe e Turizmit, si dhe të gjitha ministratë e lashtë dhe të tjera qendrore, që merren me studimin, projektimin, ndërtimin dhe shfrytëzimin e kontrollet e

7

digave e të dambave, të marrin masa për zbatimin e detyrave, që  
rrijnë nga kjo rregullore.

Ky vendim hyn në fuqi pas botimit në "Fletoren zyrtare".

KRYEMINISTRI

  
FATOS NANO

MINISTRI I RREGULLIMIT TË  
TERRITORIT DHE I TURIZMIT

  
BESNIK DERVISHI



REPUBLIKA E SHQIPERISE  
KESHILLI I MINISTRAVE

RREGULLORE  
PER FUNKSIONIMIN E KOMITETIT KOMBETAR TE DIGAVE TE  
MEDHA (KKDM) DHE KESHILLIT TEKNIK TE PERHERSHEM TE  
DIGAVE (KTPD)

Neni 1

Objekti

Kjo rregullore përcakton mënyrën e funksionimit të Komitetit Kombëtar të Digave të Mëdha dhe të Këshillit të Përhershëm të Digave.

KOMITETI KOMBETAR I DIGAVE TE MEDHA

Neni 2

Komiteti Kombëtar i Digave të Mëdha që me poshte do të quhet (KKDM), është organ i Këshillit të Ministrave dhe vepron sipas përcaktimit të ligjit nr.8681, datë 2.11.2000 "Per projektimin, ndertimin, shfrytezimin dhe mirembajtjen e digave dhe dambave" dhe akteve nenligjore ne zbatim te tij.

Neni 3

KKDM ka per mision:

a. Organizimin dhe ushtrimin e kontrollit shtetëror mbi sigurinë e digave/dambave, në etapat e studim-projektimit, ndërtimit, shfrytëzimit dhe mirëmbajtjes.

b. Përfaqësimin e Shtetit Shqiptar në Komisionin Ndërkombëtar të Digave të Mëdha (ICOLD) dhe nxitjen e mbështetjen e progresit teknik në fushën e digave/dambave në dobi të zhvillimit ekonomik-shoqëror të vëndit.

c. Plotësimin e të gjitha detyrimeve që vijnë nga anëtarësia e tij në ICOLD, sipas statutit të këtij të fundit (kuotizacionin vjetor dhe pjesëmarrjen në aktivitetet që zhvillon ICOLD për digat/dambat) etj.

#### Neni 4

Misionin e tij KKDM e realizon duke kryer këto detyra:

1. Miraton katalogun e digave/dambave, i cili hartohet nga Keshilli Teknik i Perhershëm i Digave në bashkëpunim me institucionet ose subjektet që administrojnë diga dhe damba, që do të jenë objekt i punës së tyre.

Si kriteret themelore për hartimin e katalogut, janë pasojat ekonomike dhe shkalla e rrezikshmërisë që paraqesin digat/dambat për jetën e njerëzve.

2. Organizon dhe drejton punën për hartimin e akteve nënligjore dhe akteve të tjera normative, që rregullojnë veprimtarinë e subjekteve, të cilët merren me projektimin, ndërtimin, shfrytëzimin dhe mirëmbajtjen e digave/dambave, në bashkëpunim me institucione studimore dhe organizma të specializuara,

- Këto dokumenta përfshijnë edhe rregulloret, udhëzuesit, kushtet dhe normat teknike, qarkoret, kriteret për dhënien e liçensave të studimit, projektimit, ndërtimit e kolaudimit të digave/dambave etj.

3. Miraton për çdo digë/dambë:

a. Projekt-idetë dhe projekt-zbatimet e digave/dambave të reja, që parashikohen të ndërtohen si dhe projektet e riparimit apo përmirësimit të digave/dambave, që janë aktualisht në shfrytëzim.

b. Grupin ose specialistin e propozuar nga administratori i digës/dambës për drejtimin e punimeve.

c. Studimin, të cilin duhet të ketë projekti i çdo dige/dambe për valën që krijohet në rast prishje të saj, si dhe planin e alarmit, evakuimit dhe ndihmës për popullatën dhe shpëtimin e vlerave materiale, që ndodhen në luginën poshtë digës/dambës.

d. Programin e punës dhe masat preventive të hartuar nga projektuesit, të cilat duhen zbatuar gjatë mbushjes së rezervuarit me ujë për herë të parë.

e. Çdo studim të kryer në një digë/dambë, që lidhet me sigurinë e saj.

f. Kriteret për liçensimin e specialistëve për projektimin, ndërtimin, rehabilitimin e kolaudimin e digave/dambave.

4. Organizon dhe ushtron kontrollin fizik dhe dokumentar mbi digat/dambat. Kontrolli ushtrohet në etapat e projektimit, ndërtimit dhe shfrytëzimit të tyre.

a. Kontrollin e projekteve e realizon gjatë shqyrtimit e miratimit të tyre.

b. Kontrollin gjatë punimeve të ndërtimit dhe gjatë shfrytëzimit të digave/dambave, e realizon nëpërmjet Inspektoriatit Teknik të Digave (ITD).

5.Ndihmon shfrytëzuesit e digës/dambës, nëpërmjet instituteve dhe byrove të specializuara për përpunimin, interpretimin e të dhënave të aparaturave të dëgjimit të vendosura në trupin e saj. Kontrollon zbatimin e rregullores së digës/dambës.

6.Kërkon nga shfrytëzuesit informacione mbi gjëndjen e digave/dambave dhe objekteve anekse të tyre.

7.Pezullon pjesërisht ose plotësisht punimet e ndërtimit dhe kërkon rishikimin e projekteve të zbatimit.

8.Kërkon uljen e nivelit të rezervuarit, sipas rastit deri në boshatisjen e plotë të tij nga uji, në rrethana të caktuara, kur rrezikohet prishje e digës dhe përveç dëmeve ekonomike, mund të shkaktohen viktima në njerëz.

9.Informon Këshillin e Ministrave jo më pak se një herë në vit për gjëndjen dhe sigurinë e digave/dambave, që janë në shfrytëzim duke rekomanduar dhe masat përkatëse që duhen marrë, për të garantuar një shfrytëzim normal të tyre.

10.Paguah rregullisht, nëpërmjet Ministrise së Rregullimit të Territorit dhe Turizmit kuotizacionin e anëtarësisë në ICOLD.

11.Bashkëpunon me ICOLD<sup>in</sup>, për kërkesat me karakter informativ për digat/dambat në Shqipëri dhe merr pjesë në aktivitetet ndërkombetare si kongrese, mbledhje ekzekutive, seminare, etj, që organizohen për digat/dambat.

12.Bashkëpunon me komitetet analoge të vendeve të tjera për këmbim përvojë dhe informacioni në fushën e digave/dambave.

13.Administron literaturën teknike, që vjen nga ICOLD ose organizata të ndryshme dhe e ve atë në dispozicion të specialistëve që ushtrjnë aktivitet në fushën e digave dhe dambave.

14.Synon kualifikimin e specialistëve, që punojnë në këtë fushë, veçanërisht në shfrytëzimin dhe mirëmbajtjen e digave/dambave.

15.Sensibilizon opinionin për vlerat e mëdha dhe për pasojat që vijnë nga prishja e një dige duke i ftuar të gjithë të kontribuojnë në ruajtjen dhe mbrojtjen e tyre.

#### Neni 5

1.KKDM mbulon problemet që lidhen me funksionimin dhe sigurinë e digës/dambës dhe nënobjekteve të saj. Ai mbulon edhe disa probleme që

lindin nga ndikimi i digës në sektorë të tjerë (mjedisi, bujqësia, uji pishëm e komunal, hidroenergji, transporti ujor, ekonomia e peshkut jomigrues, etj), si dhe problemet që lindin në brigjet e kupën e rezervuarit të ujit, prandaj antarët e tij krahas drejtimit kryesor të formimit të tyre duhet të kenë kulturën e nevojshme për të mbuluar edhe problemet e mësipërme. Në ato raste kur problemet janë shumë specifike teknike, kërkohet edhe ndihma e specialistëve të jashtëm.

2. Largimi i një anëtari nga KKDM, bëhet:

a.me dëshirën e vete personit

b.kur dënohet me vendim të formës së prerë për kryerjen e një vepre penale.

c.kur angazhimi i tij nuk justifikon qënien anëtar i këtij organi.

3.Largimi i një anëtari duhet të shoqërohet me zëvendësimin e tij me një person tjetër duke respektuar rregullat e pikës 4 të këtij neni.

4.Për çdo anëtar të KKDM, përzgjedhja duhet të bëhet nga më shumë se një kandidaturë.

Përzgjedhja bëhet nga një komision i caktuar dhe drejtuar nga vetë Titullari i Ministrisë përkatëse duke shqyrtuar CV e secilit.

Në përzgjedhjen e anëtarëve të KKDM, krahas cilësive individuale dhe formimit profesional, duhet patur parasysh edhe mundësia reale e pjesëmarrjes efektive të secilit në veprimtarinë e KKDM, me qëllim që të ketë një shpërndarje të pranueshme të ngarkesës tek secili.

5.Të gjithë anëtarët e KKDM dhe KTPD pajisen me një dokument të lëshuar nga Ministria e Rregullimit të Territorit dhe Turizmit, me të cilën paraqiten pranë subjekteve të projektimit, ndërtimit, shfrytëzimit të diga/damba dhe institucioneve që kanë në administrim diga/damba.

6.Të gjitha subjektet e projektimit, ndërtimit; shfrytëzimit të diga/dambave dhe institucionet që kanë në administrim diga/dambat, plotësojnë në kohë kërkesat që parashtrojnë anëtarët e KKDM,KTPD.

## Neni 6

1.Puna në KKDM ndërtohet mbi bazën e një programi të miratuar në fundin e vitit paraardhës. Ajo është e vazhdueshme dhe konkretizohet në analizat e mbledhjeve të KKDM. Sipas rastit rezultatet marrin formën e vendimit. Programi i punës përveç detyrave dhe afateve, duhet të ketë edhe anëtarin ose personin përgjegjes. Ky program shërben si baze për planet e punës të Sekretariatit Kombëtar të Digave të Medha dhe Inspektoriatit Teknik të Digave/Dambave.

- 5 -

Neni 7

KKDM zhvillon takime (mbledhje) jo më pak se një herë në muaj. Mbledhjet drejtohen nga kryetari dhe në mungesë të tij nga nënkryetari. Për probleme me karakter teknik kur miratohen projekte, studime, udhëzues, rregullore teknike, etj. pranë KKDM<sup>se</sup> si organ këshillimor, funksionon Këshilli Teknik i Përhershëm i Digave (KTPD).

Vendimet merren me shumicë votash. Në ato raste kur numri i pjesëmarrësve është çift dhe votat janë të barabarta vota e kryetarit vlerësohet me dy.

Neni 8

1. Kryesia e KKDM, në kohën e caktuar, mbasi merr edhe mendimin e të gjithë anëtareve, miraton shpenzimet për vitin pasardhës dhe i paraqet ato në strukturën përkatëse të Ministrisë së Rregullimit të Territorit dhe Turizmit, për përfshirjen e tyre në buxhetin e vitit pasardhës.

2. Në bazë të legjislacionit në fuqi të Republikës së Shqipërisë KKDM pranon donacione të ndryshme si dhe siguron të ardhura nga shërbimet që ai kryen në favor të një pale tjetër. Këto mjete financiare si dhe vlera e shpenzimeve e llogaritur sipas VKM nr.444, dt.5.09.1994 "Per tarifat e studimit, projektimit, drejtimit dhe kolaudimit te veprave te ndertimit", derdhen në llogarinë e Ministrisë së Rregullimit të Territorit dhe Turizmit.

Neni 9

1. Arshiva e KKDM përbëhet nga tre pjesë:

- a) Arshiva dokumentare (korespondenca, vendime, udhëzime, rregullore, etj).
- b) Arshiva teknike me dokumentacionin përkatës për të gjitha digat/dambat që plotësojnë kriteret e KKDM.
- c) Arshiva fondit të librave, revistave dhe buletineve tekniko-shkencore.

2. Administrimi i arshivës bëhet nga një specialist brënda Sekretariatit Kombëtar të Digave të Mëdha.

Neni 10

1. KKDM ka vulën përkatëse:

REPUBLIKA E SHQIPËRISË  
KOMITETI KOMBËTAR I DIGAVE TË MËDHA  
ALBCOLD

2. Adresa e Komitetit Kombëtar të Digave të Mëdha është:

REPUBLIKA E SHQIPËRISË  
MINISTRIA E RREGULLIMIT TË TERRITORIT DHE TURIZMIT  
KOMITETI KOMBËTAR I DIGAVE TË MËDHA  
Bulevardi "Dëshmorët e Kombit" Tiranë, Albania  
Tel: 00355 4 2570 26, 0035542570-28  
Fax: 00355 42278 79, 003554570-26

## KËSHILLI TEKNIK I PËRHERSHËM I DIGAVE

### Neni 11

Këshilli Teknik i Përherëshëm i Digave që me poshte do të quhet (KTPD), është organ këshillimor i Komitetit Kombëtar të Digave të Mëdha (KKDM), që vepron sipas përcaktimit të ligjit nr. 8681, datë 2.11.2000 "Për projektimin, ndërtimin, shfrytëzimin dhe mirëmbajtjen e digave dhe dambave" dhe akteve nënligjore në zbatim të tij.

### Neni 12

Defyrat kryesore të KTPD janë:

1. Harton listën e digave/dambave që do të jetë objekt i veprimtarisë së KKDM, në bashkëpunim me institucionet që mbulojnë e administrojnë digën/dambën, të cilën ja paraqet për miratin KKDM.

Si kritere themelore për hartimin e listës do të shërbejnë shkalla e rrezikshmërisë që ato paraqesin për të tretët në rast prishje, vlerat ekonomike të tyre.

2. Organizon dhe drejton përgatitjen e dokumentacionit teknik e ligjor që rregullon gjithë procesin e studimit, projektimit, ndërtimit, riparimit, shfrytëzimit e mirëmbajtjes së digave/dambave, në bashkëpunim me institucione tekniko-shkencore dhe organizata të kualifikuara në fushën e digave/dambave dhe i paraqet për miratim në KKDM.

Këto dokumenta përfshijnë VKM, udhëzime të dikastereve, qarkore, kushte dhe norma teknike për projektimin dhe ndërtimin, udhëzues dhe rregullore të ndryshme për shfrytëzimin e mirëmbajtjen.

3. Së bashku me projektin shqyrton dhe miraton:

a) Grupin ose personin që propozohet nga investitori për drejtimin e punimeve.

b) Studimin mbi karakteristikat e valës që krijohet në rast se prishet diga/damba dhe planin e alarmit të evakuimit dhe mbrojtjes së popullatës dhe vlerave ekonomike, që kërcënohen nga kjo prishje.



4. Anetaret e KTPD marrin pjese ne mbledhjet e KKDM.

5. Anetaret e KTPD ngarkohen nga KKDM per ndjekjen e problemeve te caktuara duke u konsultuar dhe marre mendimet e specialisteve te jashtem

6. KTPD organizon punën për krijimin e arshivës e dokumentave të ndryshme, si dhe arkivën me dosjet që përmbajnë dokumentat kryesore për çdo digë pranë sekretarisë së KKDM.